



Sarajevo, 20.12.2023. godine

Broj: 06-06-2-1217-2/23

Poziv na predavanje i prezentaciju programa „Strategy in Action (SiA)“

Poštovani/a,

zadovoljstvo nam je pozvati predstavnike poslovne zajednice u Bosni i Hercegovini na predavanje i prezentaciju programa **Strategy in Action (SiA)**. Predavanje će održati prof.dr. Davide Sola, vodeći svjetski stručnjak za poslovnu strategiju.

Predavanje i prezentaciju organizuje Vanjskotrgovinska komora Bosne i Hercegovine (VTK BiH) u suradnji s COTRUGLI Business School. Predavanje će se održati u prostorijama VTK BiH (velika sala u prizemlju), ulica Branislava Đurđeva 10, Sarajevo, dana **31. januara 2024. godine od 10.00 do 12.45 sati**. Članice VTK BiH su oslobođene plaćanja kotizacije (besplatno učešće).

Ko/Šta je COTRUGLI Business School?

COTRUGLI Business School je vodeća poslovna škola u Jugoistočnoj Evropi koja svojim polaznicima omogućuje pohađanje MBA programa po svjetskim standardima. Svi programi su međunarodno akreditovani od strane Association of MBAs (AMBA), čiju akreditaciju posjeduje samo 2% poslovnih škola u svijetu. To polaznicima garantuje svjetsku prepoznatljivost i konkurentnost diplome, najviši kvalitet predavača, iskustvo i relevantnost polaznika. Osim akreditacije i izuzetno dragocjenog networkinga, primjenjivo znanje omogućuje polaznicima da sve poslovne izazove rješavaju uspješno. Alumni škole čine poslovni ljudi (menadžeri i preduzetnici) iz različitih industrija iz cijele regije. Kvalitet i prednosti MBA programa COTRUGLI Business School prepoznalo je više od 2.600 polaznika iz regije, kao i 20.000 onih koji su se usavršavali kroz različite korporativne programe.

Šta je Strategy in Action (SiA)?

COTRUGLI Business School je ekskluzivni distributer Strategy in Action (SiA) programa za Jugoistočnu Evropu. Strategy in Action (SiA) je program namijenjen malim i srednjim preduzećima koji pomaže vodećim timovima malih i srednjih preduzeća da sukreiraju, aktiviraju i sprovode strategiju svoje organizacije, izrade strateške planove za rast i skalabilnost. Program otvara pristup kapitalu i stvara prilike s investitorima. SiA je bila ključni dio programa ELITE koji je pokrenula Londonska berza radi podsticanja rasta novih perspektivnih kompanija. Mnoge kompanije bore se s razvojem i sprovođenjem učinkovitih strategija zbog dugotrajnosti procesa. To zahtjeva dubinske analize firme i tržišnog okruženja, precizno planiranje i neprocjenjivu podršku iskusnih stručnjaka u industriji. Strategije često ostaju ograničene na salu za sastanke, odvojene od onih koji su odgovorni za njihovo svakodnevno sprovođenje.



SiA program osmišljen je kako bi firmama omogućio razvoj učinkovitih i transparentnih strategija uz djelić troškova, vremena i resursa koji su obično potrebni. Program je strukturiran oko tri ključne komponente: SiA radionice, SiA platforma i SiA coaching. SiA radionice su interaktivne sesije koje spajaju predavanja s grupnim radom, a vode ih ugledni profesori strategije i stručni konsultanti. Nakon toga, učesnici saraduju u timovima kako bi te okvire stavili u praksu. Polaznicima je na raspolaganju SiA platforma, inovativni softver koji firmama omogućuje da razviju svoje strategije koristeći automatizovanu analizu platforme, obradu podataka, vizualne prikaze, kao i alate za e-učenje i saradnju.

Šta je cilj predavanja?

Cilj predavanja je približiti polaznicima pojam strategije i njenu važnost u poslovanju, te upoznati polaznike sa mogućnostima i dobrobitima koje malim i srednjim preduzećima može pružiti pohađanje kompletnog programa Strategy in Action (SiA). Nakon predavanja, polaznici će moći da objektivno sagledaju kapacitete i mogućnosti razvoja svoje firme i ostvare uvid u veoma korisne alate i znanja za razvoj kompanija – kako kvalitetno postaviti i sprovoditi strategiju rasta i razvoja.

Kome je predavanje namijenjeno?

Predavanje je namijenjeno vlasnicima, osnivačima i vodećim rukovodiocima u malim i srednjim preduzećima.

Program/Kako je zamišljena realizacija predavanja?

09.30 – 10.00	Registracija polaznika
10.00 – 10.15	Pozdravna riječ & Uvodno obraćanje organizatora
10.15 – 11.00	<p>Teme:</p> <ul style="list-style-type: none"> • Strategic Agility • Failing to Plan is Planning to Fail • Build and Sustain Superior Value Creation <p>Predavanje putem video linka u trajanju od 45 minuta održati će prof.dr. Davide Sola. Predavanje je na engleskom jeziku, bez simultanog prijevoda na B/H/S jezik</p>
11.00 – 11.15	Pauza za kafu & osvježenje
11.15 – 12.00	Okrugli stol sa ALUMNI članovima COTRUGLI poslovne škole, uspješnim poduzetnicima i menadžerima iz Bosne i Hercegovine, na B/H/S jeziku
12.00 – 12.45	Q&A sesija o kompletnom programu SiA sa Federicom Gabrieli. Interaktivni dio sa učesnicima na B/H/S jeziku



Više informacija o predavaču

Prof.dr. DAVIDE SOLA

Predsjedavajući za preduzetništvo Instituta za preduzetništvo Jean-Baptiste Say u Londonu, kao i izvršni direktor 3HORIZONS-a, vodećeg dobavljača rješenja strategije kao usluge. Davide je redovni profesor na poslovnoj školi ESCP i gostujući profesor na drugim vodećim poslovnim školama kao što su Judge Business School u Cambridgeu, AALTO Business School u Helsinkiju i Cotrugli Business School u Zagrebu. Italijan, diplomirao je na poslovnoj školi ESCP (ranije ESCP-EAP) i Univerzitetu u Torinu, gdje je i doktorirao na temu ekonomije preduzeća. Davide ima više od 20 godina iskustva u strateškom savjetovanju u McKinsey & Company i u 3H Partners, pokrivajući širok raspon industrija, od hrane i pića do zdravstva, energije, tehnologije i finansijskih usluga. Autor je brojnih članaka, političkih dokumenata, poglavlja u knjigama, studija slučaja i redovno izlaže na međunarodnim istraživačkim konferencijama. Njegova knjiga *How to think Strategically. Your roadmap to Innovation and results* (u koautorstvu sa J. Couturierom), koju je objavio Financial Times nominirana je za prestižnu nagradu *Menadžment knjiga godine* od strane CMI-ja i Britanske biblioteke.



Više informacija o ALUMNI članovima iz Bosne i Hercegovine



AMAR DEDIĆ, kompanija Oracle, Technology Cloud Sales Executive za BiH, Albaniju i Crnu Goru. Pohađao COTRUGLI program: International MBA



KENAN KEKIĆ, kompanija T MedIT d.o.o., CEO/Founder. Pohađao COTRUGLI program: Executive MBA program



IRFAN GODINJAK, kompanija Symphony, Senior Delivery Director. Pohađa COTRUGLI program: tekuća generacija Executive MBA programa u Beogradu



FEDERICA GABRIELI

Voditeljica odjela za sadržaj i savjetnik u 3HORIZONS od marta 2023. Prije svoje sadašnje pozicije, radila je šest godina u Parizu kao istraživač-saradnik na Harvard Business School, provodeći istraživanje i razvijajući studije slučaja o evropskim kompanijama. Tako je stekla izloženost raznim industrijama, uključujući medicinsku tehnologiju, hranu i piće, bankarstvo i video igre, kao i temama poslovnog upravljanja, od toga kako povećati rastući tehnološki poduhvat do kako preći na održivi poslovni model uz ostvarivanje kratkoročnih finansijskih ciljeva. Prije nego što se pridružila Harvard Business School, Federica je stekla profesionalno iskustvo radeći kao pripravnik u konsultantskoj kompaniji aktivnoj u sektoru državne pomoći i strukturnih fondova EU i kao Blue Book pripravnik u predstavništvu Evropske komisije na Malti. Pored učešća u nekoliko projekata koje finansira EU, bila je i kustos knjige terenskog istraživanja koju je objavila italijanska nevladina organizacija aktivna u domenu zelene ekonomije. Federica je diplomirala međunarodne studije i magistrirala ekonomiju na Univerzitetu u Bolonji.



Kako i do kada se prijaviti?

Učešće na predavanju Strategy in Action (SIA) je besplatno za članice VTK BiH, uz obaveznu prijavu učešća, popunjavanjem **online prijavnog obrasca**, najkasnije do petka, 26. januara 2024. godine. Zbog popularnosti predavača i ograničenih kapaciteta sale (80 mjesta), preporučujemo blagovremenu prijavu. Broj učesnika ispred jedne kompanije je ograničen na tri (3).

Ko je kontakt osoba za više informacija?


Vaša kontakt osoba za sve dodatne informacije u vezi sa ovim predavanjem je g. Mirza Konjo, voditelj projekta i saradnik za edukaciju u Institutu za edukaciju VTK BiH.

Telefon: +387 33 566 204 & E-mail: mirza.konjo@komorabih.ba

U nadi da ćete prepoznati značaj predavanja i prezentacije programa Strategy in Action, kao i programa COTRUGLI Business School, te svojim prisustvom i učešćem uveličati organizaciju istog, srdačno Vas pozdravljam i ostajem

S poštovanjem,




Sabrina Teskeredžić
Institut za edukaciju
Direktorica

